

Cracoviensis studii. Univ. sigell.

Promotiones Ordinis Philos.

Loenza 2853.

1646 Commend. aestiva.

Zelertowski Janisai: Botri autumnales

in variis partibus orbis nati est



1166

kat.komp.

L

Mog. Sl. Dr

P

Biblioteka Jagiellońska



stdr0001057



A

IN

NO

Infe

A

D.

Philos
mo ill

SS

E

CR.

42

217 BOTRI 7424
A V T V M N A L E S

IN VARIIS PARTIBVS ORBIS NATI
ET
NOBILIBVS ADOLESCENTIBVS

D V M
Infertilis: DIVI IAGELLONIS Vineto

ALMA ACADEMIA
CRACOVI:

Primâ in Artibus & Philosophia Laureâ,

AB
Excellentissimo & Doctissimo Domino

D. STANISLAO TEMBERSKI

*Philosophiæ Doctore & Professore Collegæ Minore Infrequentissi-
mo Illustrum Hospitum Confluxu REDIMIRENTVR*

A
STANISLAO ZELECHOWSKI

Eiusdem Laureæ Candidato

OBLATI

CRACOVIA Mart: Phil: Anno Dni. 1646.

424.

INSTEMMA MECÆNATIS



Obrueret genij Multorum Sors Mala Cymbas ,
Hæc ferret Ni illis Anchora fortis opem.
Et Mea Ne Subitis iactetur Musa procellis,
Filius teneas Anchora firma ratem.

Perillustri & Admodum Reuerendo Dño.

D. CHRISTOPHORO SAPELIO

Sacræ Theologiæ Doctori.

ECCLESIA RVM

Cathedralis Cracouiensis Canonico,

COLLEGIATARVM

Sanctorum Omnium Crac: & Kielcensis

DECANO

S. R. Maiestatis Secretario!

Domino & Mecenati suo longè dignissimo.



*Agabatur longo tempore Perillustri & Admo:
Reuerende Domine, hæc mea Musa, in pinguibus
Rusiæcis oris nata, in Fertilissimo D. IAGELO-
NIS Vineto educata, autumnalibus, ad insignien-
das præclaras animi dotes Optimorum Iuuenum pri-
mam Philosophiæ Lâuream prensantium, onusta bo-
tris; querens sub Cuius Patroni Nomine liberè lucem publicam aspi-
cere valeret. Conscia enim tenuitatis (& ut verius dicam) nullita-
tis suæ, verebatur, ne, sicut fortissimas quâvis pretiosissimisq; rebus
instructas Triremes, Cortice verò peritòq; Naclero, Cuius & Con-
silio regantur & Ope iuuentur destitutas; sauenium tamen pro-
cellæ undarum absument, Vorticesq; æstuantis Maris deuorant: Si
in solem lucemq; publicam sine Patrono prodiret, naufragium aliquod
pâteretur. Et ecce vagabunda, variorumq; Magnatum limina lu-*

frans, diuino quodam instinctu Excelsum Heliconem, Castissimarum Musarum nobilissimum domicilium, earundem Cultorum tutissimum asylum, Doctissimorum & eruditissimorum Virorum Augustissimum & perenne quoddam Sacrarium, Perillustum & Admodum Reuerendorum D. D. Canoniorum Graconien: Venerabile Collegiū aduertit. Vbi te Mecenas amplissime tanquam facundissimum Apollinem, Cuius dulcisonam Cytharam (Auream copiosè loquētis sapientia Maiestatem perillustis & Admo: Reuerende Dominationis tue intelligo) non tantum fecundissima ingeniorum Parens, & benignissimaATRIX Academia, non tantum Celeberrima Metropolis Sarmatiae, non tantum Vniuersum Poloniae Regnum; verū etiam longè latèq; à nobis distantes exterarum Nationum Regiones admirantur: vidit & Magnitudinem doctrinae, acrimoniam Iudicij, prudentiae sublimitatem, conuersationis humanitatem, Zelum amplificandae fidei & pietatis diuini, erga indigos & Pauperes munificentiam, amorem erga Musas & earundem Cultores admirata; in Patrocinium tuum se se insinuare cogitauit. Nihil dubitans Mecenas amplissime vt benignus Pauperum promotor, Musarumq; Patronus & Fautor, quin sis eam, incomptam licet (& vt ingenuè fatear) indignam amplissimo conspectu tuo; animi tamen mei ad obsequia tua iam pridē anhelantis, & aliquomodo de Perillu: & Admodum Reuerenda Dominatione tua Mererī cupientis antesignanam & indicem, sub alas Anchora tua fugientem hilarī & benigna dextera accepturus. Accipe Ergo illam Mecenas amplissime primum in te obseruantia, & obsequiorum Meorum testimonium, Amplissimiq; nominis tui splendore illustratē, fortissimā Anchora Patrocinio Munita, omnes sauiantis fortunae procellas facillè eludere oimanti, & tibi Mecenas amplissime vt Felix, Fortunatusq; Ecclesia, Patria, Academia, Musis, Nestoris, vitam viuas, precanti, Faue & Poue.

Mancit ibi

Datum ē Contubernio Philosophorum die 17. Octobris

Perillustr: & Admodum Reueren: D. T.
Cliens humillimus

Stanislaus Zelechowski



Excellentissimo & Doctissimo Domino,
D. IACOBO SVSKI
PHILOSOPHICÆ FACVLTA-
TIS DECANO.

O D E

Tricolos Tetraſtrophos.



On tota Vernans gloria Militi,
Cui Mars superbus ſpicula porrigit,
Cedit, ſuo vel qui Cruore
Dulcia teſta ſoli Paterni
Conſpergit; aſt ſunt Pallade prouida
Nati Gradiui, quæ ſine Sanguine
Magnam ferax Minerua Laudem
Contulit, hos Venerantur omnes.
Tu Docte SVSKI qualis es ô pugil!
Tuo, Mineruæ pulchra ſeueritas
Semper locum bonamque famam
Indidit, ingenio potenti.

Est Victus à te, pondere Consilii,
Non vnus alto consilio valens,
Tuæ, viris semper Mitratis
Doctiloquæ, placuere lites.

Ergò labori gloria debita
Iam peruolabit Flumina Vandala.
Et se Polonarum, vetabit
Marginibus cohibere, laudum.
Per exterarum littora Gentium,
Vino Madentum per iuga Montium,
Præstans feretur botrus, Almæ
Dulcia dona ferens, Palæstræ.

Ad Venerabiles

PRIMÆ LAVREÆ CANDIDATOS

O D E

Tricolos Tetraſtrophos.

Iô Camænæ, barbita personent,
Et dulce plectris ingeminent Melos;
Iam vestra Virtus Candidati
Iamq; labor, referent Coronam.

En

En IAGELONIS Vineâ Fertilis
Fert Spontè vobis Munus Apollinis,
Non Munus è Co quod recisum est:
Quod venit ast Heliconis aruis.

Hic recreantes languida Corpora
Dulces susurri, flant Zephyri leues.

In Atticis, tonsâ, Viretis,
Tempora condecorate, Lauro.

Règina Vobis en ACADEMIA,
Sceptrum, Coronam, grandia Munera
Confert, Suasquè vos nouellas.

Nomine Voceq; dicit altas.
Quæ digna reddam dona Sodalibus?
Iam quæis abundè Clara ACADEMIA
Effudit, & plus quàm Colonis

Fert Tagus, auriferis arenis.
Aurata ferrem Munera? Munera
Aurata sed me Vos quoq; dedecent,
Fulgentius quid ære ferrem?
Inuenio nihil ære fulgens.

Ergò ampla desunt Cum mihi Munera,
Sit grata Vobis Vitis Apollinis;
Vester, Camænæ, Vel racemus

Rheticus, aut Patiensuè botrus.
Ergò Sodales Nunc pede prospero,
Pictum Viretum, Scândite, floribus.
Celfosq; IAGELONIS hortos
Carminibus Celebrate lætis.

BOTRVS SPERCHICVS
V. D. IOANNI BIALAS.

Botrus Sperchicus in Sperchio Monte Nascitur, ex Cuius Summitate Velocissimo Cursu Fluvius defluit.

Sperchicum quicumq; Cupit Cognoscere botrum,
In te, mi BIALAS, enitet iste botrus.
Hæc plaga Nobilibus Spumat generosa racemis,
Tu Virtute ferax Nobiliore botris.
Fert eadem Calidis properantia Flumina Campis,
Sunt genij Celeris Flumina Magna tui.
Multi te socij Cupient Superare labore:
Istius sed tu Nobile Flumen ades.
Esto te Superent Studiorum Flumine longo;
Qui queat ingenij Vincere, Nullus erit.

BOTRVS RHETICVS
V. D. MARTINO LABECIOWICZ.
Botrus Rheticus inter generosa Vina Italiae Numeratur. Strabo.

Itali-

Italicas si quis nitidas Conspexerit arces,
• Perspicuasq; domos Marmoreumq; Solum;
Diceret, est nil iam quod plus natura beare
Italiam valeat, Sole quod omne micet.
Hic est Relligio, Splendent altaria Diuum,
Splendent egregijs, Splendida tecta, Viris;
Ingenuis splendet genijs longeq; refulget,
Hic prægrata nouo Vina Sapore nitent.
Fors animum Nostri MARTINI opulentia Regni
Pertrahet? & dicet Patria Chara Vale,
Patria Chara Vale, Fratres Socij; Valetе,
Atq; in perpetuum Lechia Magna Vale.
Siste gradum. Quid diuitias Vis Visere Mundi?
Cælestes Patrius fert ACADEMVS opes.

BOTRVS METHYMNEVS
V. D. IOANNI DYMOWSKI

Botrus Methymneus a monte Methymneo dictus, optimi Vini ferace, a quo ortum habuit Arion præstantissimus Cytharædus. Herodotus.

Nuda alij accipiunt DYMOWSKI dulcia Vina;
Gnarus Arionis Sed tibi botrus adest,
Hic Cytharædus erit lassæ recreatio mentis,
Syfiphijq; quies tuta laboris erit.
Delphinas Valuit quondam hic placare Sub Vndis,
Hic Potuit rabidas & domuisse feras.

Dulcis Arionis tibi Sed quid Musica prodest?
Eloquium docti tu Ciceronis habes.

Hoc possunt hominum durorum Corda Moueri.
Terribiles Vrsos flectere Suada potest;
Vocibus estq; tuis inflexa ACADEMIA Mater,
Nam tibi Dymoui Laurea Serta dedit.

BOTRVS PSYTHIVS Seu PASSVS
V. D. PAVLO GIBASZOWICZ

*Botrus Psythius Seu Passus ideò dicitur quia dum Sole
aduritur patitur, Huic botro Mirabilis Virtus inest;
Nam si Succum ex eo expresseris, & Corpori Succo de
stituto, tantundem aquæ, quantum Succu expressisti
admiscueris, pristinas acquirit Vires & Saporem.*

Quis non attonitis botrum Spectabit ocellis,
Psythia quem præstans Vere tepente parit?
Hic Cum flammifero Siccatur Sole racemus,
Priuaturq; Suo nobilis vua mero;
Tum propera Siccam fluuiali Spargere lymphâ
Mille tibi fructus fœnora Mille dabit.
Si quis PAVLE tuos posset spectare labores
Diceret; En PAVLVs triste Cadauer erit.
Hic, Si Consersum IAGELONIS Cerneret Vndâ,
Diceret: in Vultu perdita forma micat.
Psythia iam vacuas botrum non tolle per auras,
Et CRACI Studijs vitis adusta viret.

BOTRVS TRIFOLINVS

V. D. SIMONI ODROWAZKI

Botrus Trifolinus in Locis fragosis inuenitur, succus eius efficacissimus, Contra Morfus Viperarum traditur.

Non te pæniteat SIMON Subijſſe Labores,

Aut Operi niueas applicuiſſe manus,

In rigido Stas iam nemorosi Vertice Montis;

Nam Satur hoc botro nulla Aconita times.

Fertilis aſt rigidus Mons eſt, ACADEMIA CRACK,

Cui quia Laurus adeſt, tunc Trifolinus adeſt,

His Ceu Palladijs qui cingunt tempora Sertis,

Inuidiæ hostilis Toxica nulla timent.

BOTRVS LYDIVS

V. D. STANISLAO BIALIKOWICZ

Botrus Lydius a Monte Lydos dicto Vocatur ex quo Mæander Fluium decurrit, iterumq; ad ſuum Fontem redire Creditur.

Pinguis Nectareos Lijdi fert Vineæ botros,

Deſluit hinc placido murmure flumen aquæ.

Quod Cum flexiuago perlabitur orbe Triones,

Ad fontes Lijdios itq; reditquæ Suos.

Eſt opus Vt Mæandrum STANESILAE figures,

Qui ex IAGELLONIS Viuere Fonte Cupis;

Vt Septem Nitidi Mundi peragrando Triones,

Ad Matrem redeas principiumq; tuum.

Illā Suo niueo Succo tuā membra fouebit,
Dulcia BIALIKOWICZ Vbera Matris ama.

BOTRVS MASSILIANVS

V. D. ALBERTO SZAFLARSKI

Botrus Masselianus dicitur à Ciuitate Massilia, in qua Studia ingenuarum Artium adeò floruerunt, Vt Romani pro Attica peregrinatione Masselioticum peterent Gymnasium ad disciplinas Capeffendas. Plautus.

Massilia adfuerit quòd quondam Candida botris
Non Mirum est; his Cum gaudet Vbiq; Solum.
Ingenuis Sed quòd Studijs bona pectora limat,
Mirum: Namq; eius limina Roma terit.

Quid prodest nugas ALBERTE tonare vetustas?
Hæc iam præterito tempore sùpta silent.
Fertilis est, valido spumans, ACADEMIA, botro,
Hic dulces botros dulcia dona legas;
Hæc si Multiuagæ præbebis pocula menti,
Crede mihi genio & corpore pinguis eris.

BOTRVS TAYGETVS

V. D. FRANCISCO LIZNIEWICZ

Botrus Taygetus vocatur à Monte Taygeto quem Virgines Spartanæ frequentabant. Virg:

Taygeti est Celebris spatiosum Fama per Orbem,
Namquè suis patulis Collibus astra petit.

Hic

*Botrus
Masselianus*

Hic grauidæ vites, hinc dulcia vina petuntur,
 Germinat hinc tremulas florida Sylua Comas,
 Hinc violæ suaves sunt, luxuriantquæ vireta,
 Frigidus hinc roseos irrigat amnis agros.
 Hinc Molles pueri Saliunt hilaresq; Puellæ,
 Turba rosas carpit, Cætera Serta parat.
 Quid FRANCISCETimesCastos cõscendere colles?
 Hinc Pallas docta & Casta Minerua manent.
 Elyfios pete Campos, florida scande Vireta,
 Pallade cum docta ferta Minerua dabit.

CALATHVS

V. D. STANISLAO STASICZ.

Calathus est vas in quo Violæ aut botri decerpti reponuntur.

*Amel
Latinus*

Cum tibi Pymplæos STASICZ volo mittere botros,
 Cretica vel Gnosij's vina liquata fauis.
 Nescio quis genius, voluenti talia, fatur:
 Plus virtus præstans STASICIANA cupit.
 Sic ego: Parce precor Misero purissima virtus,
 Aurea poma tibi non habet arca mea.
 Sed tamen vt quali potiaris Munere STASICZ
 En Calathus Pauper qui tibi vina feret,
 Vltimus es STASICZ, sed do non vltima dona;
 Nam quod habet omnes, hoc, tibi fert Calathus.

B E A T O
IO ANNI CANTIO
PATRIARCHÆ ET ILLVSTRI BOTRO
Fertilissima Vineæ
ALMÆ ACADEMIÆ CRACOVI.

O D E

Dicolos Tetraſtrophos.



Vid leuem fruſtrâ Calamũ retardas?
Quid tuas dolci reſonando plectro
Languidas cogis, ſpatioſe laudes
Dicere Mundo
Lyde? Taygetâs rubicunda vites
Clio, vocali Celebrare buxo
Deſine, aut quid te retinet Suſurrô
Vinea Rheti?
Sperchiam vitî tenerâ ſuperbam
Vineam, dulcis Pſythios Camæna
Linque iam botros, CRACIOS amænâ
Voce Saluta

CRA-

CRACIAM Molli Superare vitem

Impos Alconis Viridis racemus,

Impos est Tmolus, nequiunt Cruenta

Vina Phalerna.

Quotquot hinc Cernis Celebres Magistros,

Tot Phalerneas ACADEMVS Vuas

Fert, quibus, fiunt, Iuvenes reſecti,

Ore Marones.

Vineæ CRACI generosa vitis,

Clara Polonæ Cynosura Gentis,

Lechei ô te Columen Trionis

Candide CANTI

Quô Canam plectro? tua quæuè gesta

Occinet dignè fluido Camæna

Sæculo? Aut quæ te Nabathæa Diuum

Thura Mouebunt?

Vineæ vitis IAGELONIANÆ

Vera tu quondam, Modò pinguiores

Incolis campos, miserisq; læta

Vina propinas.

Cerne flammanti teneros Olympo

Surculos, pingui IAGELONIANÆ

Vineæ immisos, Calidos³ rore
Sparge Madenti.

Vstulat quando teneros racemos,
Torridâ flammâ Stygius Cupido,
Irriget Castæ moribunda membra
Copia Lymphæ.

Si furènti Austro dubijsquè ventis
Pellimur Cæci per iniqua Mundi,
Colloca nostram viridi fugacem
Littore Cymbam.

Vt procelloso Boreæ tumultu
Concitum Mundum Superemus omnes,
Simus & digni Nitidos Polorum
Scandere Muros.

Permīssu Superiorum.





